

Қарабалық ауданында көріктендіру, санитарлық тазалау, жасыл желектерді күтіп ұстау, қорғау және шығарып тастау ережелерін бекіту туралы

Күшін жойған

Қостанай облысы Қарабалық ауданы мәслихатының 2004 жылғы 17 ақпандағы № 21 шешімі. Қостанай облысының Әділет департаментінде 2004 жылғы 5 наурызда № 2799 тіркелді. Күші жойылды - Қостанай облысы Қарабалық ауданы мәслихатының 2008 жылғы 18 шілдедегі № 94 шешімімен

Ескерту. Күші жойылды - Қостанай облысы Қарабалық ауданы мәслихатының 2008.07.18 № 94 шешімімен.

Қазақстан Республикасының 2001 жылғы 23 қаңтардағы № 148-ІІ "Қазақстан Республикасындағы жергілікті мемлекеттік басқару туралы" Заңы 6-бабының 1-тармағы 8-тармақшасына, Қазақстан Республикасының 2001 жылғы 30 қаңтардағы № 156-ІІ "Әкімшілік құқық бұзушылық туралы" Кодексіне сәйкес Қарабалық аудандық мәслихаты **ШЕШТІ:**

1. Қарабалық ауданында көріктендіру, санитарлық тазалау, жасыл желектерді күтіп ұстау, қорғау және шығарып тастау Ережелері бекітілсін (қоса беріліп отыр)

2. Қарабалық аудандық мәслихатының 2003 жылғы 18 шілдедегі № 172 " Жасыл желектерді күтіп ұстау және қорғау Ережелерін бекіту туралы" мемлекеттік тіркеу нөмірі 2403, аудандық "Айна" газетінде 2003 жылы 24 қазанда № 44,47, 2003 жылдың 14 қарашада, 2003 жылғы 18 шілдедегі № 175 " Елді мекендердің аумақтарын көркейту Ережелерін бекіту туралы" мемлекеттік тіркеу нөмірі 2402, аудандық "Айна" газетінде 2003 жылы 24 қазанда № 44, 47, 14 қарашада жарияланған шешімдерінің күші жойылды деп саналсын.

Сессия төрағасы

Аудандық мәслихаттың хатшысы

Қарабалық аудандық мәслихатының үшінші шақырылған кезектен тыс сессиясының 2004 жылғы 17 ақпанда № 21 шешімімен БЕКІТІЛГЕН

Қарабалық ауданының аумағын көріктендіру, санитарлық тазалау, жасыл желектерді ұстау, қорғау және шығарып тастау ЕРЕЖЕЛЕРІ

Осы Ережелер Қарабалық ауданының елді мекендерінде көріктендіру, оның элементтерін күтіп ұстау, қорғау және пайдалану тәртібін, тазалықты қолдау, аумақтар мен көшелерді тазалау, жасыл желектерді күтіп ұстау, қорғау және шығарып тастау тәртібін, сондай-ақ, заңды және жеке тұлғалардың осы мәселедегі құқықтарын, міндеттерін және жауапкершілігін анықтайды.

1 тарау. Негізгі ұғымдар мен анықтамалар

1. Көріктендіру - адамның аудан аумағында қауіпсіз, жайлы және ыңғайлы ортасын қамтамасыз ететін элементтері мен жұмыс кешені. Бұл жұмыс кешені кешені көріктендірудің нысаналары мен элементтерін ұйымдастыру, күтіп ұстау, пайдалану, жөндеу және қорғауды келесі негізгі бағыттар бойынша қамтиды:

- 1) инженерлік көріктендіру;
- 2) сыртқы - әсемдік көріктендіру;
- 3) санитарлық көріктендіру;
- 4) көгалдандыру.

2. Бөлінген аумақ - жергілікті атқарушы органның шешіміне сәйкес жер пайдаланушының жеке меншігіне немесе жер пайдалануға, оған қарасты нысаналарды (ғимараттар, ғимараттар, құрылыстар) орналастыру үшін берілген ж е р у ч а с к е с і .

3. Бекітілген аумақ - оған қызмет көрсету үшін пайдаланатын немесе күзетілетін аймақ болып табылатын, бөлінген аумаққа қосып берілген жер у ч а с к е с і .

4. Жасыл желектер - аудандық аумағының оларға арнайы бөлінген алаптары мен учаскелерінде (бақтар, парктер, бульварлар, көше және көгалдандыру, гүлзарлар, газондар) орналасқан ағаштар, көшеттер.

5. Жер пайдаланушы - мақсаттары мен меншік нысандарына қарамастан, қала шеңберіндегі жер учаскелерін пайдаланушы заңды немесе жеке тұлға.

6. Инженерлік желілер және имараттар - ауданның селолары мен кенттер аумағының бетіндегі суларды жинау және бұру үшін, қала халқы мен кәсіпорындарының мұқтаждарына кешенді қызмет көрсету үшін арналған селолар мен кенттер инженерлік көріктенуінің маңызды элементтері.

7. Шағын сәулеттік нысандар - әрі сәндік, әрі утилитарлық сипаттағы көлемі жағынан салыстырмалы түрде шағын нысаналар:

1) сәндік имараттар - мүсіндер, фонтандар мен сәндік су қоймалары, стелдер, барельефтер, гүлге арналған сауыттар, тутұғырлар және таңы басқалар;

2) утилитарлық сипаттағы имараттар - күркелер, павильондар, дүңгіршіктер, сауда арбашалары, телефон және сауда автоматтары, аттракциондар, орындықтар, қоршаулар, урналар, көшелердің, үйлердің және жарнамалардың кестешелері, пошта жәшіктері және таңы басқалар.

8. Жапқыш (тент) - тасымалданатын сусымалы жүктердің жолға шашылуын,

құлауын, себілуін алдын алуға арналған арнайы құрал.

9. Құрылыс салынбаған аумақ - негізгі жобалау нормаларын қолдануды шектейтін, жер үсті және жер асты құрылыстарының барлық түрлері жоқ аумақ.

10. Қоғамдық орындар - жалпы пайдаланатын демалыс аймақтары (парктер, жаңа жайлар, саябақтар), алаңдар, көлік аялдамалары.

11. Көше - жолдың жүргінші бөлігі, тротуарлар, жасыл желектер, жер асты және жер үсті инженерлік желілер орналасқан аумақ.

2 тарау. Жалпы ережелер

12. Кәсіпорындар, мекемелер, ұйымдар, меншік нысанына және ұйымдық-құқықтық нысанына қарамастан, қоғамдық бірлестіктер, лауазымды тұлғалар және азаматтар көріктенудің ережесін ұстануға, қала аумағында тазалықты және тәртіпті қамтамасыз етуге, ғимараттар мен имараттарды оңды жағдайда ұстауға міндетті.

13. Мемлекеттік, қоғамдық және жеке кәсіпорындар, ұйымдар мен мекемелер, олардың ведомстволық бағынуына қарамастан, сондай - ақ жеке иеліктегі үй иеленушілері заң белгілеген тәртіппен, сәулеттік және санитарлық талаптарға сәйкес, тұрмыстық қалдықтарды жоюға өз уақытылы келісім - шарт жасасуға, өз есебінен оларға бекітілген аумақтарды жүйелі жинауға, тазалықта және тәртіпте ұстауға міндетті:

1) тұрғын үйді, мәдени - тұрмыстық, әкімшілік, өнеркәсіп және сауда ғимараттарын, вокзалдар, бақтар, парктер, саябақтар, аллеяларды және басқа да жасыл желектердің орындары;

2) көшелер, алаңдар, жолдар, аулалар, тротуарлар, демалыс аймақтарын, базарлар және оларға іргелес аумақтарды, автомотокөлік аялдамаларын;

3) қашалар, қоршаулар, газондық қоршауларды, жарнаманың барлық түрлері және жарнамалық қондырғыларды, ғимараттар мен ескерткіштерге сәндік сәуле шашу қондырғылар, маңдайша жазулар, витриналар, жаймалар, жолаушы көлігінің аялдамасындағы павильондар мен отыру алаңдарын, көше жарықтандыру фонарларын, әр түрлі тіреу бағандарды, бақтардағы, парктердегі және бульварлардағы орындықтарды, урналарды, көше атауының көрсеткіштерін, көлік, жолаушылар аялдамаларын, үйдің нөмірлік белгілерін, мемориалдық тақталарды, трансформаторлық қондырғыларды;

4) аула аумағын тазалықта ұстауға. Оларды жинау, үнемі сыпыру, суару, қар мен қоқысты белгілеген жерге шығару керек;

5) жасыл желектерді ұқыпты сақтауға, толық кешенді агротехникалық шараларды жүргізуге, суаруға, қуарған шыбықтарды кесуге, қиып тастауға, ағаштардың түптерін тазарту және әктеуге, ағаш түптеріндегі өсімдіктерді жоюға, тыңайтқыштар енгізуге, жасқан ағаштардың түп айналасын түптеуге, жараларын дезинфекциялауға және сылап бітеуге, сондай - ақ арам шөптерді (повишкалар,

жусандар) жою бойынша механикалық өңдеуді жүргізуге;

б) жыл сайын сәуір-мамыр айларында табиғи-климаттық жағдайға байланысты аумақты тазарту айлығын өткізуге.

14. Әрбір меншік субъектісімен көшелер мен жол қиылыстарын тазарту жүргізіледі: ұзынынан - иеліктегі үй аумағының бойына, көлденеңінен - иеліктегі үйден жол кездемесіне дейін.

Қоғамдық автокөліктер қозғалысындағы жол кездемесін, көшелерді, жол қиылыстарын, алаңдарды, парктерді тазарту кәсіпорындармен белгіленген тәртіпте жүргізіледі.

15. Кәсіпорындар, ұйымдар басшылары, меншік нысанына қарамастан, жеке көліктің жүргізушілері міндетті:

1) автокөлікті селолар және кент көшелеріне шығарғанда санитарлық-гигиеналық нормалардың және экологиялық талаптардың толық сақталуын қамтамасыз етуге;

2) жол кездемесін және атмосфералық ауаны ластамай, автокөліктің техникалық жарамдылығын қамтамасыз етуге.

16. Санитарлық, гигиеналық және экологиялық сай емес, қоршаған ортаның ластануын туғызатын, сондай-ақ автокөліктер мен басқа да механикалық құралдарды селолар мен кент аумағына шығаруға және пайдалануға тыйым салынады.

17. Тұрғын үй құрылысына қарсы орналасқан автобус аялдамалары мен такси тұрақтарының аумағын тазалау осы аумақтарды тазалау үшін бекітілген тиісті коммуналдық қызметтерге, кәсіпорындарға, мекемелерге, ұйымдарға, жалгерлерге және құрылыс салушыларға жүктеледі.

18. Қоғамдық орындар мен құрылыс салынбаған аумақтар санитарлық ережелер мен нормаларға сәйкес тазартылады.

19. Аумақты жоспарлы-жүйелі тазалауды қалдықтарды жоюды жүргізетін ұйыммен және санитарлық-эпидемиологиялық қызметі мекемесімен келісіліп құрастырылған келісім-шарттар - кестелер бойынша жүргізу керек.

20. Әкімшілік және өнеркәсіп ғимараттарында, сауда және қоғамдық тамақтандыру кәсіпорындарында, көріністік мекемелерінде, тұрғын үй құрылысының аумағында автомобиль көлігі тұрағының орындары жабдықталуы қажет.

Газондарда, саябақтарда және басқа да жасыл желектер орындарында, тұрғын үйлердің жалпы пайдаланатын жерлерінде, дүкендердің, дәріханалардың, базарлардың, қызметтік ғимараттардың маңында көлік құралдарының тұрақтарын тұрғызуға және кіруіне тыйым салынады.

21. Автокөлік құралдарын тұрғын үй кварталдарында және жалпы пайдаланатын жерлерде жууға тыйым салынады. Автомобильдерді,

мотоциклдерді және басқа да көлік құралдарын су айыратын колонкалардың, өзендер мен су қоймаларының жағажайларында, су қорғаушы жолақтардың, адамдардың жаппай салынады.

3 тарау. Қарабалық ауданының селолары мен кентінің аумақтарында шағын сәулет нысандарын орнату және күтіп ұстау тәртібі

22. Сыртқы көркейтудің барлық элементтері, соның ішінде, ғимараттардың қасбеттерін өңдеу селолары мен кентінің аумағына құрылыс салудың тәртібін анықтайтын ережеге сәйкес орындалуы қажет. Сауда және қызмет көрсету саласы кәсіпорындарының қасбеттері жарықтануы қажет.

23. Селолар мен кенттер аумағында шағын сәулеттік нысандарды орнатуға және құруға сәйкес аудандық қызметтердің келісімінен кейін ғана жол беріледі.

24. Барлық шағын сәулеттік нысандар оңды жағдайда ұсталуы тиіс.

25. Тұрғын үй, қызметтік, өндірістік және әкімшілік ғимараттар мен имараттардың иелері көшелердің көрсеткіштері мен нөмірлік белгілерін оңды жағдайда күтіп ұстауға міндетті.

26. Меншіктің барлық нысандарындағы заңды тұлғалардың ғимаратқа кіре берісінде мемлекеттік және орыс тілдерінде заңды тұлғаның атауы болуы және олардың тиісті жағдайын қамтамасыз етуге міндетті.

4 тарау. Инженерлік желілер, имараттар және коммуникацияларды күтіп ұстау тәртібі

27. Қарамағында инженерлік коммуникациялары бар заңды және жеке тұлғалар селолар мен кенттер көркіне нұқсан келтіру мүмкін, инженерлік желілер мен имараттардың техникалық жағдайын үнемі қадағалап отыруға міндетті,

нақты айтқанда:

- 1) аумақтың су басуын жібермеу;
- 2) бөлінген және қорғаланатын аймақтардың санитарлық жағдайын, люктерден, құдықтардың қақпақтары қатты жол төсемі деңгейінде жатуын және оңды жағдайды ұсталуын қадағалауға;
- 3) монтаждау, қайта төсеу және пайдалану ережесін сақтамау салдарынан бұзылуы мүмкін, жер асты желілерінен үстіндегі қатты немесе грунттық жол төсімдерінің жағдайын қадағалауға;
- 4) газ құбырының жағдайын қадағалау, уақытылы оның сырлауын жүргізу.

28. Қатты жол төсімді аумақтарды қайта жөндеу немесе күрделі жөндеуін жүргізу, белгілерді, құдықтарды, люктерді, инженерлік желілерді талаптарға жеткізу норма жұмыстары тапсырушының есебінен өндіріледі.

29. Ғимараттар, имараттар және жер асты коммуникациялары құрылысына

техникалық құжаттарды әзірлегенде жобалаушы ұйымдар құрылыс учаскелеріндегі ағаштар мен көшеттердің мүмкіндігінше көп сақталуын қамтамасыз ететін жұмыстарды ұйымдастыру тәртібін әзірлеуге міндетті.

5 тарау. Аумақты қысқы мерзімде күтіп ұстау және тазалау

30. Көшелерде және алаңдарда қарды жинау кәсіпорындармен, ұйымдармен және басқа шаруашылық субъектілерімен оларға бекітілген аумақтарды, жүргізіледі.

31. Шатырларды қардан тазалау және карниздердегі, шатырлардағы және су ағатын құбырлардағы қар бұлтықтарын алу ғимараттар мен имараттар иелерінің және жалгерлердің өз күштері мен қаражаттарымен жүргізіледі, олар жаяу жүрушілермен бақытсыз жағдайды болдырмау және ауа желілеріне, жарық шамдарына, жасыл желектерге зақым келтірмеу үшін сақтану шараларын міндетті түрде орындау қажет.

Шатырдан тасталған қар жедел тасып шығарылуы қажет.

32. Көшелермен алаңдармен жүру біліктеріне, көпірлерге, жол қиылыстарына, көтерілетін және төмен түсетін жолдарға механикаландырылған құм төгу коммуналдық кәсіпорындардың мамандандырылған қызметтерімен жоспарлы тәртінде жүргізілуде.

33. Пәтер иелерінің кооперативтері, үй басқармалары, кәсіпорындар, мекемелер, қоғамдық ұйымдар және меншіктен басқа да нысандарындағы кәсіпорындармен тұлғалар, жалгерлер коммуналдық шаруашылықтың арнайы техникасы бар мамандандырылған қызметтерімен механикаландырылған тротуарларға, алаңдарға және басқа да адамдар өтетін және жиналатын орындарға құм төгуге келісім - шарт жасасуға немесе осы жұмыстарды өз күштерімен, қаражаттарымен жүргізуге міндетті.

Жер пайдаланушылар бөлінген және бекітілген аумақтарында тайғанаққа қарсы шараларды (мұзбен қарды ою, тайғанақ жерлерде инертті немесе ұқсас материалдар төгу) қарастыруға міндетті.

6 тарау. Қарабалық ауданының селолары мен кенттерінің аумағын жарықтандыру

34. Селолар мен кенттер аумағын жарықтандыру сыртқы жарық қондырғылары арқылы қамтамасыз етіледі. Сыртқы жарық қондырғыларына жататындар:

- 1) электрмен жабдықтау құрылғысы, қоректендіретін желілер, қоректендіру пункттері, тарататын желілер;
- 2) қорғау құрылғысы және жерге қосылған электр желілері;
- 3) басқару құрылғысы;
- 4) тіреуіштер, арқанды салпыншақтардың тіректері.

35. Тіректер техникалық құжаттамалармен сәйкес жол желіндегі көшелердің көлік магистральдарының орналасады.

36. Көшелер мен жолдардың қиылысқан жерінде тіректер сәйкес радиустарда тротуардың дөңгеленген жеріне дейін орналасады. Аллея мен жаяу жүрушілердің жолдарындағы тіректер жолдың жаяу жүруші жүрмейтін бөлігінде, яғни газондарда, ағаштардың қатарында орналасады.

37. Ғимарат жанында орналасқан тар жолдар, тротуарлар мен алаңдар, ыңғайлы болса, ғимарат қабырғасына орналасқан шамшырақтар арқылы жарықтандырылады.

38. Сыртқы жарық қондырғыларына қызмет көрсету және күтіп ұстау келесі шараларды қамтиды:

1) сыртқы жарықтандыру құрылғыларын сан және сапа көрсеткіштері берілген өлшемге сәйкес, соның ішінде, шамшырақтардың таратушыларының істен шыққандары мен шамдарын ауыстыру, шамшырақтарды тазалау, жарықтандырудың деңгейін өлшеу, техникалық оңды жағдайда ұстау;

2) жарықтандыру құрылғыларының атқарушы өкіметтің жергілікті органының шешімімен бекітілген регламенттегі жұмыс режимін қамтамасыз ету, кесте бойынша шамшырақтарды, ақауларды табу және оларды шұғыл түрде жою.

39. Жарықтандыру құрылғыларының жағдайын және шамшырақтардың жану пайызын анықтау үшін екі жетіде бір бақылау тексерістері өткізіледі.

40. Сыртқы жарықтандыру қондырғыларының металл тіректері, тіреуіштері және басқа да элементтері жабынының жағдайына байланысты кемінде үш жылда бір сырланады.

41. Витриналарды жарықтандыру үшін, әдетте, неондық шамдар алынады. Қосымша бағытталған жарық беру үшін қызуы қатты шамдар пайдаланады.

42. Жарқағаздарды, стендтерді, витриналарды жарықтандыруда жарық аспаптарын, жарықтанған беттен шағылысқан толассыз жарықтың айналымы құралымы қарап тұрған адамның көзіне түспейтіндей, орналастыру керек.

43. Жаяу адамның, жүргізушінің көзіне шамдардың тіке жарығы түспеуі үшін жарықтандыру аспаптарын қорғаушы бұрышын ескереді немесе арнайы экранды торлар орнатылады.

7 тарау. Аудан аумағындағы құбылыстарды бөлу және бұзу

44. Аумақты көне және тозығы жеткен құрылыстардан тазарту жұмыстарына, қолданыстағы заңдармен сәйкес, осы процедуралардың орындалуының заңдылығын заңды түрде қамтамасыз еткеннен кейін кіріседі.

45. Көрсетілген жұмыстарды машина мен механизмдерді жұмылдырып, кәсіптілігіне сәйкес жұмысшылар атқарады.

46. Құрылысты бөлшектегеннен немесе бұзғаннан кейін, құрылыс қалдықтары (қоқыстар) қатты тұрмыстық қалдықтар полигонына тасып шығарылады, ал учаске қайта қопсытылады.

8 тарау. Жасыл желектерді күтіп ұстау, қорғау және шығарып тастау тәртібі

47. Жасыл желектер маңызды сауықтыру факторы және селолар мен кенттердің көркі болып табылады, оларды қорғау және күтіп ұстау - меншік нысанына қарамастан, әрбір кәсіпорынның, мекеменің, ұйымның, әрбір а з а м а т т ы ң м і н д е т і .

48. Қарабалық ауданының селолары мен кенттері заңды тұлғалардың, меншік нысанына қарамастан, және жеке тұлғалардың шаруашылық қызметінің нәтижесінде жасыл қорды мүмкіндігінше барынша сақтау Қарабалық ауданында көріктендірудің негізгі бағыттарының бірі болып табылады.

49. Кәсіпорындар, ұйымдар және жеке тұлғалар (бұдан әрі "тапсырушы" деп аталатын) құрылыс, жөндеу және басқа да жұмыстарды жүргізу кезінде міндетті:

1) жасыл желектерді зақымданудан қоршауға алуға, жеке желектерді сынуынан немесе зақымдануынан қорғау үшін қораптарға салуға;

2) жолдарына, тротуарларына, өткелдеріне, алаңдарына қатты материал төсеген және асфальттаған кезде жасыл желектердің айналасында оңтайлы ашық топырақты кеңістік құру мақсатында, мөлшері 1 x 1 метр қоршаумен шектелген, а ғ а ш т ү б і н е н қ у ы с қ а л д ы р у ғ а ;

3) жасыл желектер орналасқан аймақтарда жолдарды, тротуарларды, құрған және қайта құрған кезде тік белгілерді жоғарылатқанда немесе төмендеткенде 5 сантиметрден артық өзгертуге болмайды. Егер түпкі жүйені жаңалаштаудан басқа амал болмаған жағдайда, жобаларда жасыл желектің дұрыс өсу жағдайын сақтауға арналған құрылғыларды ескеру керек;

4) салынып жатқан объектілерге кірме жолдарын тартқанда желектердің орындарын ескеріп, жасыл желектердің бар қоршауларын бұзбау керек.

50. Құрылыс салуға немесе басқа жұмыстар жүргізуге бөлінген учаскелерде жасыл желектерді сақтау мүмкін болмаған жағдайда жасыл желектерді шығарып тасталынады. Жасыл желектерді шығарып тасталғанда ескеріледі:

1) жасыл қор нысаналарының шаңнан қорғайтын, желден қорғайтын, газға тұрлалылық және фитонцидтік қасиеттері;

2) негізгі биоматериалдық көрсеткіштері - өсімдіктің биіктігін, олардың қ а б ы ғ ы н ы ң е н і н және қ о ю л ы ғ ы н ;

3) селолық және кенттік нысаналарының сәнділігіне және әсем ресімделуіне ә с е р і н ;

4) осы аймақта сауықтыру әсерін.

51. Жұмысты жүргізгенде тапсырушы міндетті:

1) жасыл желектерді шығарып тастауға, басқа жерге отырғызуға немесе кесуге рұқсат алуға. Рұқсатты жергілікті атқарушы органымен өкілетті орган береді. Қарабалық ауданының селолары мен кенттері жасыл қоры жөніндегі комиссияның оң қорытындысы рұқсат беру үшін негіз болып табылады.

2) жасыл желектерді шығарып тастауды, қайта отырғызуды немесе кесуді өз күшімен және қаражатымен жүргізуге немесе осы жұмыстар түрін жүргізуге лицензиясы бар мамандандырылған ұйымдармен келісім-шарт жасасуға.

52. Жасыл желектерді шығарып рұқсат алған жағдайда тапсырушы жасыл желектерді бағалауға лицензиясы бар ұйымдармен келісім-шарт жасасады, ақша қаражаттарын (шығарылған жасыл желектердің құнын) жергілікті бюджетке а у д а р а д ы .

53. Жасыл желектердің аумағында тыйым салынады:

1) құрылыс материалдарын, жер, көмір және басқа заттарды жинауға, газондарды, гүлдер егілген жерлерді, ағаш шұңқырларын ластауға;

2) газондарда жүруге, ағаштарды, көшеттерді сындыруға немесе кесуге, басқа да механикалық зақымдар келтіруге;

3) көшелерді, алаңдарды, тротуарларды тазалау мақсатында жасыл желектер үшін тұз және басқа зиянды заттар қолдануға;

4) гүлдерді жұлуға, жемістерді үзуге, мал бағуға, жер, құм өндіруге;

5) жасыл желектерді өнеркәсіптік лай сумен және басқа тастамалармен л а с т а у ғ а ;

6) бақ мүліктерімен жабдықтарын (орындықтарды, урналарды, шартақтарды, газон торларын) бүлдіруге;

7) автомашиналармен, мотоциклдермен, велосипедтермен, басқа да көлік құралдарымен жүруге (арнайы көліктен басқа);

8) газондармен тірі қашалардың маңында жолаушылар көлігінің аялдамасын о р н а т у ғ а ;

9) газондарда автокөлік құралдарын қоюға және торағын орнатуға;

10) от жағуға, өрт қарсы басқа да тәртіптерді бұзуға;

11) ағаштарға электр сымдарын, тікенек сымдарды, алтыбақандарды, киімдерді кептіру үшін жіп байлауға, жазулар жазуға;

12) агрономиялық белгіленген мерзімдерден тыс, сәйкес қызметтермен келісілген кесу тәртібін сақтамай ағаштардың басын кесуге;

13) ағаш және бұта көшеттерін өз еркімен кесуге;

14) өз бетімен қашалар орнатуға;

15) ойындар: футбол, волейбол, городки және басқа ойындар (бұл мақсат үшін арнайы бөлінген орыннан басқа) ұйымдастыруға;

16) жабайы және мәдени флораның гүлдерін жуашықтарымен және тамырларымен қ а з ы п а л у ғ а .

54. Жер пайдаланушылар, оларға берілген аумақтарда жасыл желектерді өсіп-өндіруге және қорғауын қамтамасыз етуге міндетті.

9 тарау. Ауданның селолық және кентінің аумақтарында жер қазумен байланысты жер жұмыстарын жүргізу тәртібі

55. Жер асты коммуникацияларын салумен байланысты жұмыстарды жүргізуде жоспарлаушы барлық заңды және жеке тұлғалар міндетті:

1) жыл сайын 1 қыркүйекке дейінгі мерзімде, келесі жылға өткізілетін жоспарлы жұмыстардың айын, түрін және мерзімін көрсетіп, өтінім беруге.
Ауданның аумағында жоспарлы жұмыстар туралы қызметтерге өз уақытылы
а қ п а р а т б е р у г е ;

2) жер асты желілерін жөндеу уәкілетті органдардан жер жұмыстарын жүргізу құқығына рұқсат (ордер) алғаннан кейін ғана жүргізіледі;

3) ғимараттарды, имараттарды, коммуникацияларды қайта құру және жөндеу кезінде құрылыс нормаларының талаптары мен нысаналарды қоршау жөніндегі
т ә р т і п т е р д і с а қ т а у ;

4) артық грунт пен құрылыс қоқыстарын өз уақытылы шығарып тастауын
қ а м т а м а с ы з е т у ;

5) бұзылған жол төсемдері мен аула аумақтарын қалпына келтіру жөніндегі жұмыстарды өз уақытылы жүргізу, құрылыс және жөндеу аяқталғаннан кейін қазба орындарын, сонымен қатар құрылыс алаңдарын тәртіпке келтіруде қажетті
ш а р а л а р д ы қ а б ы л д а у .

56. Жер асты коммуникацияларының құрылғысымен және жөндеумен байланысты жұмыстарды жүргізгенде тыйым салынады:

1) қандайда бір жер үсті құрылысы мен ғимараттарын ығыстыру;

2) жол төсімдерін артық бұзу және жұмыстарды сәйкес рұқсатсыз (ордерсіз)
ж ү р г і з у ;

3) тротуарларда, жолмен жүретін бөлігінде және газондарда тартып алынған
грунты, құрылыс материалдарын қалдықтарын, қоқысты қалдыруға, құдық
қ а қ п а қ т а р ы н к ө м і п т а с т а у ғ а ;

4) жұмыстардың рұқсат қағазда (ордерде) көрсетілген мерзімдері мен шарттарын бұзуға.

10 тарау. Жер пайдаланушының міндеттері

57. Жер пайдаланушы міндеттері:

1) бөлінген және бекітілген аумақтарды, инженерлік желілер мен олардың элементтерін (құдықтар, люктер, торлар, бағаналар, насос, жылу пункттері, трансформаторлық шағын станциялар) санитарлық нормалармен белгіленетін
т и і с т і с а н и т а р л ы қ ж а ғ д а й д а ұ с т а у ;

2) қалдықтар жинау және сақтау үшін қатты жол төсемі бар арнайы
ж а б д ы қ т а л ғ а н а л а ң д а р д ы ң б о л у ы ;

3) қалдықтарды жерлеу жөніндегі полигонға (қоқыс төгетін жер) өнеркәсіп қалдықтардың сұйық қалдықтарды шығарылуын және көмуін қамтамасыз ету;

4) өз аумағында қажет болса дезинфекция, дезинсекция мен дератизация жүргізу (шыбындарды, тарақандарды, масаларды, тышқандармен егеуқұйрықтарды жою үшін);

5) бөлінген аумақтың шегінен құрылыс қоқыстарының, топырақтың және лас машиналар мен құрылыс механизмдерінің елді мекендердің көшелерінде шығуына жол бермей, өздерінің құрылыс алаңдарына және қатты жол төсеміне басқа нысаналарына аппаратын кірме жолдарының тиісті жағдайда ұсталуын қамтамасыз ету.

58. Жерде пайдаланушыға мыналарды жасауға тыйым салынады:

1) құрал-жабдықтарды, тараны, шикізатты, құрылыс материалдарын бөлінген аумақтан тыс жерге жинап қою;

2) от жағу, қоқысты, түскен жапырақтарды, шыбықтарды, өндіріс қалдықтарын селолар және кент аумақтарында жағу;

3) қоршаған ортаға зиян келтіретін тазалау әдістерін қолдану.

11 тарау. Осы Ережелердің бұзуына жауапкершілік

59. Осы Ережелердің талаптарын бұзғаны үшін "Әкімшілік құқық бұзушылықтар туралы" Қазақстан Республикасының Кодексіне сәйкес жауапкершілікке тартылады.